



74  
6272  
14





04  
6272  
14

欽定禮部則例卷一百十

祀典

去五味均平歲

祠祭清吏司

夕月壇

一每歲秋分酉時致祭

夕月壇

北斗七星

木火土金水五星

二十八宿

周天星辰配順治八年定太常寺前期題請

欽定禮部則例

卷一百十

祠祭清吏司

一





遣王一人承祭分獻

從位前領侍衛內大臣散秩大臣尚書侍郎都統

出派逢丑辰未戌年

皇帝親詣行禮太常寺仍行雙請候

旨遵行餘年題請

遣官如例謹按嘉慶十九年八月奉 上諭秋祀

夕月壇嗣後如遇朕親祭之年其配位著派親郡王上香

儀注

皇帝親詣行禮儀如

朝日壇祀日太常寺官於

儀明位幄前東陳牛一羊一豕一登一釧一簋一簋

二籩十豆十琖三十鑪一鐙一

星辰配位前南陳設同中設一案少南西回供祝

版北設一案南向陳

夜明位前白璧一禮神制帛一色香盤一尊一爵三

並設福胙於尊爵之旁加爵一

星辰位幄前禮神制帛十一青赤黃黑香盤一尊

一爵三樂部豫設樂懸樂舞於壇門內卯階上



幄次正中爲

皇帝拜位西向分獻官一員位於壇下之左當階陪祀王公位於壇下左右百官位於壇門外左右均西面左班南上右班北上太常寺司拜牌拜褥官各一員立於

皇帝拜位左右司祝一員司香二員司玉帛一員司帛一員司爵二員光祿寺卿二員侍衛二員太常寺贊答福胙一員侍儀禮部堂官二員都察院堂官二員樂部大臣一員位南北序分立於

祝案尊案之次太常寺典儀一員司樂一員立於階下之左贊禮郎二員立於分獻官位左右記注官四員立於壇門外之右糾儀御史四員禮部司官四員引禮鴻臚寺官四員分立於王公百官拜位之次協律郎歌工樂工舞佾分立於壇門內樂懸之次傳贊二員循壇門內牆立位均南北序南北面掌燎官率燎人立於壇門外東北隅司祝恭捧祝版設於祝案禮部堂官率屬周視籩豆牲牢如儀酉時前四刻太常寺



卿至

乾清門奏時

皇帝具祭服乘禮輿出宮前引後扈如常儀王公百

官朝服跪送

午門鳴鐘

法駕鹵簿前導由阜城門至

壇北門外降輿贊引對引恭導

皇帝入北門中門詣

具服殿少憩太常寺贊禮郎豫引分獻官鴻臚寺

豫引陪祀王公百官序祇候禮部堂官率太常

寺官恭請

神位奉安畢太常寺卿奏請行禮

皇帝出具服殿盥洗畢司拜褥官豫布拜褥於壇上

拜次贊引對引恭導

皇帝入壇左門陞中階詣拜位前西向立司拜牌官

跪安拜牌退贊禮郎引分獻官鴻臚寺官引陪

祀王公百官均就拜位立典儀贊樂舞生就位

執事官各司其事武舞八佾進贊引奏就位



皇帝就拜位立典儀贊迎

神司香官各捧香盤進唱樂官唱迎

神樂奏迎光之章樂作司拜牌官起拜牌贊引奏就上  
香位暨對引恭導

皇帝詣

正位香案前司香捧香跪贊引奏跪

皇帝跪奏上香

皇帝上炷香次三上瓣香興奏復位暨對引恭導

皇帝復位司拜牌官安拜牌贊禮郎引分獻官由北

階詣

星辰位前上香畢下階復位贊引奏跪拜興

皇帝行二跪六拜禮傳贊官贊跪叩興分獻官及王  
公百官均隨行禮典儀贊奠玉帛行初獻禮司  
玉帛各捧篚司爵各捧爵進唱樂官唱初獻樂  
奏升光之章樂作舞干戚之舞司玉帛官各奠  
玉帛行三叩禮司爵官各獻爵奠正中退司祝  
至祝案前跪三叩捧祝版跪案左樂暫止贊引  
奏跪



皇帝跪羣臣皆跪贊讀祝司祝讀祝畢詣

夜明位前跪安於案三叩退樂作贊引奏拜興

皇帝行三拜禮羣臣均隨行禮樂止武功之舞退文

舞八佾進典儀贊行亞獻禮唱樂官唱亞獻樂

奏瑤光之章樂作舞羽籥之舞司爵各獻爵奠

於左如初獻儀樂止典儀贊行終獻禮唱樂官

唱終獻樂奏瑞光之章樂作舞同司爵各獻爵

奠於右如亞獻儀樂止文德之舞退太常寺贊

禮郎詣祝案前北面立贊

答福胙

皇帝飲福受胙如

朝日壇儀贊引奏跪拜興

皇帝行二跪六拜禮羣臣均隨行禮典儀贊徹饌唱

樂官唱徹饌樂奏涵光之章樂作司玉帛詣

神位前跪叩捧白璧退樂止典儀贊送

神唱樂官唱送

神樂奏保光之章樂作贊引奏跪拜興

皇帝行二跪六拜禮羣臣均隨行禮樂暫止典儀贊



捧祝帛饌送燎司祝司帛詣

神位前咸跪三叩捧祝捧篚興司香跪捧香司爵跪

捧饌以次由中道出恭送燎所

皇帝轉立拜位旁南向司拜禱官徹拜禱俟祝帛過

仍布拜禱

皇帝復位立樂作贊引奏禮成恭導

皇帝出壇左門入

具服殿更衣樂止禮部堂官率太常寺官請

神位還

御如前儀贊引恭導

皇帝出至北門外乘輿導迎樂作奏祐平之章王公

百官朝服跪迎如儀

皇帝還宮○若

遣官行禮酉初刻由壇北左門入內壇門右門行禮

於階下升降由南階分獻官位在承祭官之左

少後升降由北階行二跪六拜禮餘儀與

朝日壇

遣官同



欽定禮部則例卷一百十八

祠祭清吏司

先農壇

一每歲春三月吉亥日。

先農壇行

耕藉禮前一年由部將日期先行具題後知照在京

各衙門并通行各直省屆期

皇帝或親詣行禮或

遣官行禮之處太常寺於二月內具疏請



旨遵行。

耕藉事宜詳載一百三十八卷

一

親詣行禮前一日

遣官祇告

奉先殿由禮部行文內務府豫備

儀注

皇帝親饗

先農齋戒二日如常儀前二日禮部堂官一員至犧

牲所省牲前一日

遣官告祭

奉先殿

皇帝御殿閱祝版如儀太常寺卿率屬潔除壇上下

藉以椶薦為瘞坎於壇東南隅設

先農神座於壇正中南向施黃幄張

皇帝拜次於南階上鑾儀衛設洗於壇東樂部率太

常寺協律郎設中和韶樂及樂舞於壇下東西

分列。

先農位前牛一。羊一。豕一。登一。鉶二。簠二。簋二。籩十。



豆十。琖三十。鑪一。鐙二。壇南中設一案。少西北向。供祝版。東設一案。西向。陳禮神制帛一。色香盤一。尊一。爵三。設福胙於尊爵之旁。加爵一。牲陳於俎。帛實於篚。尊實酒。承以舟。疏布幕。勺具乃辨位。壇上幄次爲

皇帝拜位。正中北向。壇下東南爲望瘞位。東向陪祀。王公位。樂懸之北。東西各二班。百官位。樂懸以南。南東西各五班。均北面。東位西上。西位東上。太常寺司拜牌。拜褥官各一員立。

皇帝拜位。左右少後司祝一員。司香一員。司帛一員。司爵一員。光祿寺卿二員。侍衛二員。太常寺贊答福胙一員。侍儀禮部堂官。都察院堂官。樂部大臣各一員。位東西序。分列祝案。尊案之次。壇下太常寺典儀一員。司樂一員。東立西面。記注官四員。西立東面。糾儀御史四員。禮部司官四員。引禮鴻臚寺官四員。分立王公百官拜位之次。協律郎歌工。樂工。舞佾。分立樂懸之次。均東西面。掌瘞官率瘞人立於瘞坎之南北面。是日



五鼓禮部堂官率屬省視齋盛之屬如儀可祝  
捧祝版設於祝案禮部堂官率太常寺卿屬詣  
神庫上香行禮恭請

先農神位奉安於壇座上鑾儀衛陳  
法駕鹵簿於

午門外不陪祀王公百官咸朝服祇候送

駕如常儀太常寺卿豫赴

乾清門於巳時前六刻轉奏

皇帝具祭服乘禮輿出宮前引後扈如儀

駕發警蹕

午門鳴鐘導迎樂設而不作提鑪官左右騎導由

正陽門詣

壇如

郊祀之儀先是

午門鳴鐘時鴻臚寺官豫引陪祀王公於壇門內  
按翼序立候

駕至隨行人壇引東班陪祀百官於拜位以南北面  
西班陪祀百官於拜位以西東面各序立



皇帝至壇東門內降輿贊引對引官二員恭導

皇帝至壇東盥洗鑾儀衛官跪捧盥捧巾如儀司拜

褥官豫布拜褥於壇上拜次贊引對引官恭導

皇帝由中階陞就拜位前北向立司拜牌官跪安拜

牌退前引內大臣提鑪官侍衛均於階下止立

後扈大臣隨侍鴻臚寺官引陪祀王公百官均

就拜位序立典儀贊樂舞生就位執事官各司

其事武舞執干戚進贊引奏就位

皇帝就位立典儀贊瘞毛血迎

神司香捧香進至

神位前立唱樂官唱迎

神樂奏永豐之章樂作司拜牌官起拜牌贊引奏就

上香位暨對引官恭導

皇帝詣香案前立對引官至祝案前止立贊引奏上

香司香跪進香

皇帝上炷香次三上瓣香畢奏復位暨對引官恭導

皇帝復位立司拜牌官安拜牌贊引奏跪拜興

皇帝行三跪九拜禮羣臣均隨行禮樂止典儀贊奠



帛爵行初獻禮司帛捧篚司爵捧爵以次進至案前唱樂官唱初獻樂奏時豐之章樂作司樂舉節舞干戚之舞司帛跪獻篚奠於案三叩司爵跪獻爵奠於墊中興各退司祝至祝案前跪三叩興捧祝版跪案左樂暫止贊引奏跪皇帝跪羣臣皆跪贊讀祝司祝讀祝畢興捧祝版跪安

神位前三叩興退樂作贊引奏拜興。

皇帝行三拜禮羣臣均隨行禮樂止武舞退文舞執

羽籥進典儀贊行亞獻禮唱樂官唱亞獻樂奏

咸豐之章樂作舞羽籥之舞司爵獻爵於左如

初獻儀樂止典儀贊行終獻禮唱樂官唱終獻

樂奏大豐之章樂作舞同司爵獻爵於右如亞

獻儀樂止文舞退太常寺贊禮郎一員少前西

面立贊

答福胙光祿寺卿二員捧福胙至

神位前拱舉退祇立於

皇帝拜位之右侍衛二員進立於左贊引奏跪



皇帝跪左右官皆跪奏飲福酒右官進福酒

皇帝受爵拱舉授左官次受胙如飲福之儀贊引奏

跪拜興

皇帝行三拜禮興次行謝福胙禮贊引奏跪拜興

皇帝行二跪六拜禮王公百官均隨行禮典儀贊徹

饌唱樂官唱徹饌樂奏屢豐之章樂作徹畢樂

止典儀贊送

神唱樂官唱送

神樂奏報豐之章樂作贊引奏跪拜興

皇帝行三跪九拜禮羣臣均隨行禮樂止典儀贊捧

祝帛饌送瘞司祝司帛司香司爵詣

神位前咸跪司祝捧祝司帛捧篚三叩興司香捧香

司爵捧饌興以次恭送瘞所

皇帝轉立拜位東旁西向司拜褥官徹拜褥俟祝帛

過仍布拜褥

皇帝復位立典儀贊望瘞唱樂官唱望瘞樂奏慶豐

之章樂作陪祀王公百官退贊引奏詣望瘞位

皇帝詣望瘞位望瘞贊引奏禮成恭導



皇帝詣

太歲殿上香樂止禮部堂官率太常寺卿屬恭請

神位還

御上香行禮如儀

皇帝入具服殿更衣

親詣藉田行

躬耕禮畢還宮太常寺官徹

乾清門齋戒牌銅人送於寺

謹按乾隆三十七年

天儀注並酌定 高宗純皇帝御禮轎自外

北天門入內北天門循 壇行禮儀節 太歲殿後轉至

與處御禮轎詣 太歲殿上香。三十九年

有年逾六旬始酌量節減之 諭謹詳載

諭旨二道謹詳載 耕藉例。嘉慶十六年

禮部左侍郎哈寧阿面奉 諭旨 先農

壇議注。改於觀耕臺東南隅至鋪設櫻薦處降 輿。二十一年二月太常寺奏准三月初七日

祭 先農壇。 皇上親詣行禮恭擬得

聖駕乘禮輿由 太歲門進內北天門至

壇行禮較之原降輿處計可節省二十一丈謹 擬繪圖貼說恭呈 御覽奉 旨依議。

遣官恭代雞初鳴承祭官朝服詣

次定禮部司刻 祠祭清吏司



壇太常寺贊禮郎二員引由壇右門入行禮於階下

上香贊升壇升降均由東階不飲福受胙王公

不陪祀祝帛送瘞避立西旁饗畢順天府尹率

屬行耕藉禮餘均如前儀

謹按嘉慶十六年奉  
上諭嗣後

先農壇以內各

壇宇每遇親詣及遣官祭

祀之日俱不准開北街門擅放車轎馬匹所有

執事陪祀之王大臣官員均於南街門外下馬

步入壇門以內亦不許支搭帳房以昭整

肅

欽定禮部則例卷一百十九

祠祭清吏司

先蠶壇

一每歲欽天監選擇季春吉巳日祭

西陵氏於

先蠶壇前一年由部將吉期具題前一月將屆期

皇后親蠶或

遣妃恭代雙請如

皇后親詣行禮將致祭

欽定禮部則例

卷一百十九

祠祭清吏司



先蠶及

躬桑典禮一併具題如

皇后不親蠶交內務府屆期奏請

遣妃致祭太常寺照

遣官祭

先農例行。

一具題祭

先蠶

皇后親詣行禮

旨下。先行知會內務府樂部太常寺并咨呈宗人府

如

遣妃恭代行文內務府照例辦理并劄知太常寺

一祭日應行典禮於

躬桑木內一併題請。

典禮事宜謹詳載一百三十八卷。

一

皇后親詣致祭

妃

嬪公主福晉以下。八旗文官三品武官二品命婦



以上均應陪祀公主福晉命婦由內務府咨取  
禮部行文宗人府理藩院八旗查明自行開送  
內務府俟內務府列名奏

派後移咨過部知會各該衙門如

遣妃致祭

妃

嬪不陪祀餘同

一陪祀前期齋戒二日其派出從蠶採桑之公  
主福晉命婦均行齋戒祭日一體陪祀

一致祭前一日禮部派滿洲司官漢司官各一

員赴

壇監視宰牲

一致祭儀法內務府會太常寺具奏

親詣

遣妃並同

儀注

皇后親饗

先蠶之禮前二日禮部堂官一員至犧牲所視牲是



日昧爽太常寺進齋戒牌銅人內監豫設黃案  
一於

交泰殿之左內務府總管一員及官殿監侍豫俟  
於

乾清門太常寺卿率屬恭捧齋戒牌在前銅人在  
後前引如儀至

乾清門內務府總管以授官殿監侍恭設於

交泰殿案上齋戒牌南向銅人西向設畢一跪三  
叩興退

皇后致齋二日陪祀

妃

嬪公主福晉以下文官三品武官二品命婦以上  
咸致齋視牲視割牲均與饗

先農儀同前一日奉宸苑卿率屬潔壇上下藉以櫻  
薦爲瘞坎於壇西北設黃幄於壇上太常寺官  
恭設

先蠶神座於幄內正中南向工部司官張  
皇后拜幄於南階上太常寺典簿具牲俎博士辨簠



簋籩豆登釃之實以次展於

神廚太常寺卿詣

神庫以恭誥

神位之儀指授蠶官令退贊禮郎引內務府總管一

員詣

神廚周視牲牢籩豆太常寺官以陳設之儀指授

官殿監侍詒皆退祀日雞初鳴內務府總管及

官殿監侍率內監入

壇具器陳牛一羊一豕一登一釃一籩籩各一籩豆

各十。琖三十。鑪一。鐙二。東設一案西向陳禮神

制帛一。色青香盤一。尊一。爵三。設福胙於尊爵之

旁加爵一。牲陳於俎。帛實於篚。尊實酒承以舟

疏布幕。勺具內監設洗於

具服殿樂部率掌儀司內監設樂於壇下。應鼓一

在東。琴四。瑟二。簫六。篪六。笙六。杖鼓二。方響十

六。雲璈二。版二。東西分列如式。乃辨位壇上正

中為

皇后拜位北向。壇下西北為望瘞位。西向。當階下左



右爲陪祀

妃

嬪拜位北面少南左右爲陪祀公主福晉命婦拜位按翼分列均北面東位西上西位東上壇上  
司拜褥女官二人立於

皇后拜位左右相儀女官二人立拜位後左右均東  
西面司香女官一人司帛女官一人司爵女官  
一人捧福胙女官二人序立東案之東西面接  
福胙女官二人立於壇西東面壇下典儀司樂

女官各一人當階左立西面傳贊女官六人二人  
人立於壇南東西面一人立於

妃

嬪拜位左右一人立於公主福晉命婦拜位左右  
均東西面樂工歌工以童監充之序立於東西樂懸  
之次女官掌瘞者立於瘞坎之西北隅前期步  
軍統領豫飭所部清道辟除自

神武門

壇門



御道左右塗巷皆設布幃陪祀公主福晉命婦執事女官朝服豫集壇內鑾儀衛率內監陳儀駕於

順貞門外辰正初刻太常寺卿暨內務府總管各一員赴

乾清門奏時宮殿監督領侍轉奏皇后具禮服乘鳳輿出宮如儀陪祀

妃嬪咸乘輿從由

順貞門

神武門北上門入陟山門至壇內境左門相儀女官二人跪奏請降輿

皇后降輿

妃

嬪咸下輿從前引女官十人右贊引左對引女官二人恭導

皇后入具服殿少憩

妃



嬪隨入配殿祇俟傳贊女官引公主福晉命婦等  
於

具服殿門外東西序祇俟辰正一刻蠶宮令詣  
神庫上香跪三叩興恭請

先蠶神位內監十人前引入

壇安奉黃幄畢相儀奏請行禮

皇后出具服殿盥司盥跪捧盥司巾跪捧悅巾盥畢  
詣

壇

妃

嬪以下隨行司拜褥女官豫布拜褥於壇上拜次  
贊引對引女官恭導

皇后升中階就拜位前北向立前引十人止立壇下  
相儀二人隨侍傳贊引

妃

嬪公主福晉及命婦均就拜位序立典儀贊執事  
者各司其事贊引奏就位

皇后就位立典儀贊迎

欽定禮部具例

卷百九

祠祭清吏司



神司香捧香進至香案前唱樂官唱迎

神樂奏麻平之章樂作贊引奏就上香位暨對引恭

導

皇后詣香案前立對引至案前止立司香跪贊引奏

跪

皇后跪奏上香司香進香

皇后上炷香三上辨香興贊引奏復位暨對引恭導

皇后復位立奏跪拜興

皇后行六肅三跪三拜禮

如

嬪以下隨行禮樂止典儀贊奠帛爵行初獻禮司

帛捧篚司爵捧爵進至案前唱樂官唱初獻樂

奏承平之章樂作司帛跪獻篚奠於案三叩興

司爵跪獻爵奠於墊中興皆退樂止典儀贊行

亞獻禮唱樂官唱亞獻樂奏均平之章樂作司

爵獻爵於左儀如初獻樂止典儀贊行終獻禮

唱樂官唱終獻樂奏齊平之章樂作司爵獻爵

於右儀如亞獻樂止典儀贊



答福胙。捧福胙女官恭捧福胙詣神位前拱舉退祇立於

皇后拜位之右。接福胙女官進立於左贊引奏跪

皇后跪。左右女官皆跪奏飲福酒。右女官進福酒。

皇后受爵拱舉。授左女官。次受胙。如飲福之儀。贊引

奏拜興。

皇后行一拜禮。與此行禮時

妃

嬪以下不隨行禮。贊引奏跪拜興。

皇后行四肅。一跪。二拜禮。

妃

嬪以下均隨行禮。興。典儀贊徹饌。唱樂官唱徹饌

樂奏柔平之章。樂作。徹畢。樂止。典儀贊送

神唱樂官唱送

神樂奏洽平之章。樂作。贊引奏跪拜興。

皇后行六肅。三跪。三拜禮。

妃

嬪以下均隨行禮。興。樂暫止。典儀贊捧帛香饌送



瘞司帛詣

神位前跪三叩捧篚興司香跪捧香司爵跪捧饌興

以次恭送瘞所

皇后轉立拜位旁西向司拜褥女官起拜褥俟香帛

過仍布拜褥

皇后復位立樂作典儀贊望瘞贊引恭導

皇后降階詣望瘞位望瘞奏禮成恭導

皇后詣具服殿少憩陪祀

妃

嬪隨入配殿少憩樂止蠶官令恭請

神位還

御上香行禮如儀

皇后還宮宮殿監侍徹

交泰殿齋戒牌銅人授太常寺官送寺越日

皇后乃率從桑之

妃

嬪公主福晉命婦行

躬桑禮○如



皇后不親蠶之年。

遣妃致祭

先蠶壇先二日及陪祀之公主福晉命婦均致齋所

司供具如式至日昧爽

妃朝服乘輿詣

壇清道辟除如常儀至壇外壝右門下輿入行禮於

階下。上香進退均由西階

妃

嬪不陪祀。不飲福受昨香帛送瘞。避立西旁餘如

前儀。○如

皇帝遣官祭

先蠶壇所司供具如前儀。至日雞初鳴承祭官朝服

詣

壇贊引太常寺贊禮郎二員引由壇左側明入儀與

遣官祭

先農同。謹按乾隆十四年奉 上諭據禮部奏

稱本年三月內先蠶祭期請照例遣妃致祭此於禮意未協夫妃所恭代者代皇后也有皇后則妃可承命行事皇貴妃未經正位中宮則親祭之禮尚不當舉行何得遣妃恭代應照皇帝不親耕藉遣官致祭 先農之例於內務



府堂官或禮部太常寺堂官奉宸苑卿內酌遣一人致祭方足以明等威而昭儀制是年遣內務府堂官行禮上香由西階升降一應執事均用太常寺官

欽定禮部則例卷一百二十一

祠祭清吏司

歷代帝王廟

一每歲春秋仲月擇日致祭

歷代帝王廟以歷代名臣配饗

景德崇聖殿中一龕供

太昊伏羲氏

炎帝神農氏

黃帝軒轅氏位左一龕供



少昊金天氏

顓頊高陽氏

帝嚳高辛氏

帝堯陶唐氏

帝舜有虞氏位右一龕供

夏王禹啟仲康少康桀槐芒泄不降肩厘孔甲皐發

商王湯太甲沃丁太庚小甲雍已太戊仲丁外壬河

亶甲祖乙祖辛沃甲祖丁南庚陽甲盤庚小辛

小乙武丁祖庚祖甲廩辛庚丁太丁帝乙位左

二龕供

周武王成王康王昭王穆王共王懿王孝王夷王宣

王平王桓王莊王僖王惠王襄王頃王匡王定

王簡王靈王景王悼王敬王元王貞定王考王

威烈王安王烈王顯王慎靚王位右二龕供

漢高祖惠帝文帝景帝武帝昭帝宣帝元帝成帝哀

帝光武帝明帝章帝和帝殤帝安帝順帝冲帝

昭烈帝

晉元帝明帝成帝康帝穆帝哀帝簡文帝



魏道武帝。明元帝。太武帝。文成帝。獻文帝。孝文帝。宣武帝。孝明帝。

宋文帝。孝武帝。明帝。

齊武帝。

陳文帝。宣帝位左三龕供。

唐高祖。太宗。高宗。睿宗。元宗。肅宗。代宗。德宗。順宗。憲宗。穆宗。文宗。武宗。宣宗。懿宗。僖宗。

後唐明宗。

後周世宗。

遼太祖。太宗。景宗。聖宗。興宗。道宗。

宋太祖。太宗。真宗。仁宗。英宗。神宗。哲宗。高宗。孝宗。光宗。寧宗。理宗。度宗。端宗。位右三龕供。

金太祖。太宗。世宗。章宗。宣宗。哀宗。

元太祖。太宗。定宗。憲宗。世祖。成宗。武宗。仁宗。泰定帝。文宗。寧宗。

明太祖。惠帝。成祖。仁宗。宣宗。英宗。景帝。憲宗。孝宗。武宗。世宗。穆宗。愍帝。位均南向。

謹按乾隆四十九年大學士九卿遵

旨議增入祀。晉元帝。晉明帝。晉成帝。晉康帝。晉穆帝。晉哀帝。晉簡文帝。宋文帝。宋孝武



帝宋明帝齊武帝陳文帝陳宣帝元魏道武帝元魏明元帝元魏太武帝元魏文成帝元魏獻文帝元魏孝文帝元魏宣武帝元魏孝明帝唐憲宗後唐明宗後周世宗金哀宗徽出漢桓帝漢靈帝東廡風后倉頡夔伯夷伊尹傅說召公奭

畢公高召穆公虎仲山甫張良曹參周勃魏相

鄧禹耿弇諸葛亮房元齡李靖宋璟郭子儀許

遠李晟裴度曹彬李沆王曾富弼文彥博李綱

韓世忠文天祥宗翰穆呼哩布呼密徐達常遇

春楊士奇于謙劉大夏位西廡力牧臯陶龍伯

益仲虺周公旦太公望呂侯方叔尹吉甫蕭何

陳平劉章丙吉馮異馬援趙雲杜如晦狄仁傑

姚崇張巡李泌陸贄耶律赫魯呂蒙正寇準范

仲淹韓琦司馬光趙鼎岳飛宗望幹魯巴延托

克托劉基李文忠楊榮李賢位致祭前期太常

寺開列親王郡王題請

欽派一人承祭以侍郎內閣學士左副都御史四員

分獻候

旨遵行如恭遇

皇帝親詣行禮太常寺奏進儀法其分獻以尙書左

次三禮部司

祠祭清吏司

祠祭清吏司



都御史均由寺奏

派前期齋戒及禮部承辦各事宜照

中祀禮行

儀注

皇帝親詣致祭前期二日太常寺卿進齋戒牌銅人

於

乾清門如儀

皇帝齋於大內陪祀自王公以下齋於邸第省牲宰

牲

視祝版儀如

朝日壇

夕月壇祀日太常寺卿率屬入廟潔蠲殿宇內外藉

以撻薦拂拭

神座工部司官張

御幄於景德門外階下之左南向鑿儀衛設洗於幄

外樂部設中和韶樂於殿外階上分東西懸陳

樂舞於樂懸之次均如儀

正殿每室設牛一羊一豕一



三皇位前分設三案。

五帝位前統設三案。夏商周代設一案。右二龕。左三龕。右三龕。各設三案。每案。燈一。銅二。簋二。簋二。籩十。豆十。每位爵三。其前皆設香案一。各鑪一。燈二。

殿中設案一。少西。北向。供祝版。東設一案。西向西。設一案。東向。分陳。每室尊一。每案香盤一。虛爵三。每位禮神制帛一。色設福胙於東案。尊爵之。旁加爵一。東西兩廡各設羊二。豕二。又各設十

案。每四位共一案。惟西廡末案。係三位一案。每案。銅二。簋二。簋二。籩四。豆四。每位爵三。前設香案各四。每案鑪一。燈二。又設尊案於南。北向。陳尊二。香盤四。虛爵十。有二。每位素帛一。俎篚。勺具。

殿內正中為

皇帝行禮拜位。北向。階下甬道左右。為分獻官拜位。北向。陪祀王公位。階上。東西各二班。百官位。階下。在分獻官之南。東西各五班。均北面。鑿儀衛。



司拜褥官二員立於

皇帝拜位之左少後太常寺司祝一員立祝案西司香九員司帛九員司爵九員光祿寺牲二員太常寺贊答福胙一員立東案之東司香七員司帛七員司爵七員侍衛二員立西案之西侍儀禮部堂官二員都察院堂官二員樂部大臣一員立東西案之南太常寺典儀一員於殿左門外立司樂協律郎樂工歌工舞佾於階上樂懸東西序立記注官四員於西階下序立糾儀御

史禮部司官各二員引禮鴻臚寺官二員於陪祀王公拜位之次序立又御史二員禮部司官二員鴻臚寺官二員於陪祀百官拜位之次序立掌燎官率燎人立於燎鑪之隅是日五鼓禮部堂官率屬及太常寺卿周視殿廡牲帛盞盛及籩豆登鉶之實太常寺司祝官詣

神庫內捧祝版設於祝案均如儀日出前六刻太常寺卿詣

乾清門奏時鑿儀衛陳



法駕鹵簿不陪祀王公百官咸朝服祇候送駕。

皇帝具祭服乘禮輿出宮前引後扈如常儀

駕發警蹕

午門鳴鐘。

法駕鹵簿前導導迎樂設而不作提鑪執鐙官左右

騎導將至廟鴻臚寺官豫引陪祀王公於廟門

外序立太常寺贊禮郎豫引兩廡分獻官於景

德西側門外序立陪祀百官按班入景德東西

側門於行禮位少南東西序立祇候

駕至由廟中門入至景德門降輿右贊引左對引太

常寺卿二員恭導

皇帝入幄次少憩太常寺卿奏請行禮

皇帝出幄次盥洗鑿儀衛官跪捧盥捧巾如儀司拜

禱官豫布拜褥於殿門內正中贊引對引恭導

皇帝由景德中門陞中階進殿中門至拜位前北向

立前引內大臣止立殿檐下提鑪執鐙官侍衛

止立階下後扈大臣隨侍贊禮郎引分獻官於



甬道左右。鴻臚寺官引陪祀王公於殿外階上。引陪祀百官於階下。各就拜位。均北面。典儀官贊樂舞生就位。執事官各司其事。武舞八佾。執干戚。進贊引奏就位。

皇帝就拜位立乃迎

神。左司香二員。右司香一員。捧香盤東西趨進。唱樂官唱迎。

神樂奏肇平之章。樂作。贊引對引恭導。

皇帝詣

太昊伏羲氏香案前。司香跪進香。贊引奏上香。

皇帝立。上炷香。次三上瓣香畢。以次詣

炎帝神農氏

黃帝軒轅氏香案前。上香儀同。左司香七員。右司香

六員。捧香盤分詣各室香案前。上香。贊引奏復

位。

皇帝復位。奏跪拜興。

皇帝行二跪六拜禮。王公百官皆隨行禮。樂止。典儀贊奠帛爵。行初獻禮。太常寺官揭尊幕。勺挹酒。



實於爵。司帛捧篚。司爵捧爵。以次進。唱樂官唱。初獻樂奏。與平之章。樂作。司樂舉節。舞千戚之舞。司帛司爵各詣

神位前。司帛跪奠帛。三叩。司爵立獻爵。奠正中。分獻官詣兩廡。以次跪。上香。執事官奠帛。奠爵如儀。皆退。司祝至祝案前。跪三叩。捧祝版。跪案左。樂暫止。贊引奏跪。

皇帝跪羣臣皆跪。司祝讀祝畢。興捧祝版詣太昊伏羲氏位前。跪安於案。三叩。退樂作。

皇帝行三拜禮。羣臣均隨行禮。樂止。武舞退。文舞入。佾執羽籥進。典儀贊行亞獻禮。唱樂官唱亞獻樂。奏崇平之章。樂作。舞羽籥之舞。司爵捧爵奠於左儀。如初獻。兩廡分獻。官各分獻。樂止。典儀贊行終獻禮。唱樂官唱終獻樂。奏恬平之章。樂作。舞同。司爵捧爵奠於右儀。如亞獻。兩廡各終獻畢。樂止。文舞退。太常寺官贊

答福胙。光祿寺卿二員捧福胙至。太昊伏羲氏位前拱舉。祇立於



皇帝拜位之右侍衛二員進立於左贊引奏跪。  
皇帝跪左右執事官皆跪右官進福酒

皇帝受爵拱舉授左官進胙受胙亦如之奏跪拜興  
皇帝行二跪六拜禮羣臣均隨行禮典儀贊徹饌唱

樂官唱徹饌樂奏淳平之章樂作徹畢樂止典  
儀贊送

神唱樂官唱送

神樂奏匡平之章樂作贊引奏跪拜興

皇帝行二跪六拜禮羣臣均隨行禮樂止典儀贊捧

祝帛饌送燎司祝司帛詣各

神位前跪三叩司祝捧祝司帛捧篚興司香跪捧香  
司爵跪捧饌興以次由中門出恭送燎所

皇帝轉立拜位旁西向司拜褥官徹拜褥候祝帛過  
仍布拜褥

皇帝復位立兩廡香帛饌均送焚燎樂作祝帛燎半  
贊引奏禮成樂止恭導

皇帝仍由景德中門出乘輿

法駕鹵簿前導導迎樂作奏祐平之章



皇帝回鑾王公從百官以次退不陪祀王公百官朝服跪迎。

午門鳴鐘王公隨

駕入至內金水橋恭候

皇帝還宮各退太常寺官詣

乾清門徹齋戒牌銅人送寺貯庫內如常儀。○如遣官致祭王公由景德左門入位階上大臣由左旁門入位階下均行三跪九叩禮贊引以太常寺贊禮郎上香時贊就上香位引承祭官進至殿

內詣

三皇案前上香

五帝以下均執事官上香進退自東階出入由殿左

門祝帛送燎時避立拜位西旁東面不飲福受

昨王公等不陪祀餘均如儀。謹按乾隆四十九年奉

朕因覽四庫全書內大清通禮一書所列廟祀歷代帝王位號乃依舊會典所定有所弗愜於

心敬憶皇祖實錄有勅議增祀之諭令查取禮部原議紅本則係康熙六十一年十一月內具題爾時諸臣不能仰體

細討論未免因陋就簡我皇祖諭旨以凡帝王曾在位者除無道被弑亡國之主此外

盡應入廟卽一二年者亦應崇祀煌煌

欽定禮部則例

卷一百一十一

十一

祠祭清吏司



聖訓至大至公。上自羲軒。下至勝國。其間聖作明述之君。守文繼體之主。無不馨香爰脩。不待書生臆論。無能仰喻。

高深即歷代以來升歆議禮。未有正大光明者。此者也。乃會議疏

內。聲明偏安亡弒。不入祀典。而仍入遼金二朝。不入東西晉。元魏前後五代。未免意有偏向。視

若仰承 聖意而實顯與

聖諭相

背。朕意若謂南北朝偏安。不入正統。則遼金得國。亦未奄有中原。何以一登一黜。適足啟後人之訾議。即因東西晉前後五朝。有因篡得國。擯

而不列。如操丕不得為正統之例。殊不知三國時。正統在昭烈。故雖以陳壽三國志之尊魏。抑

蜀。而卒不能奪萬世之公評。至司馬氏篡竊。以還南朝神器數易。如宋武帝崛起丹徒。手移晉

祚。自不能掩其篡奪之罪。其他雖祖宗得國不正。而子孫能繼緒承依。即為守文中主。亦不可

概從缺畧。况自漢昭烈以至唐高祖。統一區夏。時之相去三百餘年。其間英毅之辟。節儉之主。

史不絕書。又安可置而不論。至於後五代。如朱温。以及郭威。或起自寇竊。或身為叛臣。五十餘

年。更易數姓。中華統緒。不絕如綫。然周世宗承藉郭氏餘業。憑有疆域。尚不失為令主。此而概

不列入。則東西晉前後五代數百年間。創守各主祀典。缺如。何以協千秋公論。他若元魏雄據

河北。地廣勢強。太武道武。勤思政理。講學興農。亦可為偏安英主。並當量入祀典。以示表章。朕

前命館臣。錄存楊維禎正統辨論內。詳晰宣諭。以維禎所辨正統在宋不在遼金之說。為是所

以存春秋綱目之義。見人心天命之攸歸。且檢閱孫承澤春明夢餘錄。所載明代崇祀古帝王

位號。原未列遼金二朝。今通禮內崇祀遼金。而不入東西晉前後五代。似此互相入主出奴。伊

於何底。是皆議禮諸臣有懷偏見。明使後世臆說之徒。謂本朝於歷代帝王未免區分南北。意

存軒輊。甚矣。皇祖降諭之本意。也至明之亡國。由於神熹二宗紀綱隳而法度弛。愍帝

祠祭清吏司



嗣統時國事已不可為。雖十七年身歷勤苦。不能補救。傾危卒且身殉社稷。未可與荒淫失國者一例而論。是以皇祖睿裁。將神喜二宗徹出。而愍帝則特令廟祀。

賈子奪毫釐不爽。實千古大公定論。乃諸臣於定議時。轉復將漢之桓靈增入。豈未思炎漢之亡。亡於桓靈而不亡於獻帝乎。從前定議。未將東漢全局詳審論斷。轉使昏闇之君。濫叨廟食。所議未為允協。夫自古帝王統緒相傳。易代以後。饗祀廟庭。原以報功崇德。至於嚴篡弑之防。戒守成之主。或予或奪。要必衷於至當。而無所容心於其間。方協彰瘴之義。所有歷代帝王廟祀典。著大學士九卿。更行悉心詳議。具奏並著於定議後。交四庫館恭錄。皇祖諭旨。並朕此旨。於通禮廟饗卷首。以昭殷鑒。歷朝垂示。萬年之至意。

欽定禮部則例卷一百二十一

祠祭清吏司

文廟附

先師廟

熱河

一每歲春秋仲月上丁。釋奠於

先師孔子。以四配十二哲。侑饗

殿中。以先賢先儒從祀。兩廡前期太常寺具題以

大學士一人承祭。十二哲前翰林官二員分獻

兩廡。國子監官分獻恭遇

皇帝親詣行禮。分獻四配以尚書。分獻十二哲。暨兩

欽定禮部則例

卷一百二十一

祠祭清吏司

十一



廡以侍郎其月朔釋菜以祭酒。望日。上香。以司業。兩序兩廡。各以所屬官各執事。以肄業生。屆期。國子監敬謹將事。

一

臨雍講學行釋奠禮。翰林詹事官七品以上暨國子監官均陪祀。行衍聖公率五經博士孔氏族五人。顏曾等族各二人。乘傳赴京。及官

京師者咸與陪祭。傳令前期一體齋戒。

一八月二十七日恭遇

先師誕辰自

大內至王公百官均致齋一日。各衙門不理刑名。民間禁止屠宰。前期繕綠頭牌具奏。得旨通行各衙門並出示九門及部前。

儀注

皇帝親詣行禮。前二日太常寺進齋戒牌銅人於乾清門。如儀陪祀。自王公以下均致齋。禮部堂官詣犧牲所省牲。太常寺卿送祝版於內閣。恭書儀均與。



歷代帝王廟同祀前一日國子監官設香案於宰牲亭外光祿寺卿朝服詣香案前上香御史禮部司官國子監監丞俱朝服視宰宰人割牲瘞毛血如常儀祀日前夕國子監祭酒率屬潔蠲殿廡內外藉以櫻薦拂拭

神座工部官張大次於大成門外之左鑾儀衛官設洗於大次之外樂部率太常寺協律郎設中和韶樂於殿外兩階

大成殿正中

先師孔子位前設案一。陳牛一。羊一。豕一。登一。鉶二。簋二。簋二。籩十。豆十。鑪一。鐙二。東配復聖顏子。述聖子思子位。西配宗聖曾子。亞聖孟子位。位前各設案一。陳羊一。豕一。鉶二。簋二。籩二。籩八。豆八。鑪一。鐙二。東序先賢閔子損。冉子雍。端木子賜。仲子由。卜子商。有子若。位。西序先賢冉子。耕。宰子子。冉子求。言子偃。顓孫子師。朱子熹位。位前各設案一。陳鉶一。簋一。簋一。籩四。豆四。東。西各羊一。豕一。鑪一。鐙二。東廡先賢蘧瑗。澹臺。



滅明原憲南宮适商瞿漆雕開司馬耕梁鱣冉  
孺伯虔冉季漆雕徒父漆雕哆公西赤任不齊  
公良孺公肩定鄒單罕父黑榮旗左人郢鄭國  
原亢廉潔叔仲會公西輿如邾嬰陳亢琴張步  
叔乘秦非顏噲顏何縣亶樂正克萬章周敦頤  
程顥邵雍位西廡先賢林放宓不齊公冶長公  
哲哀高柴樊須商澤巫馬施顏幸曹卹公孫龍  
秦商顏高壤駟赤石作蜀公夏首后處奚容蒧  
顏祖句井彊秦祖縣成公祖句茲燕伋樂欬狄

黑孔忠公西葢顏之僕施之常申振左邱明秦  
冉牧皮公都子公孫丑張載程頤位東廡先儒  
公羊高伏勝董仲舒后蒼杜子春諸葛亮王通  
范仲淹歐陽修楊時羅從彥李侗呂祖謙蔡沈  
陳淳魏了翁王柏趙復許謙吳澄胡居仁王守  
仁羅欽順位西廡先儒穀梁赤高堂生孔安國  
毛萇鄭康成范甯韓愈胡瑗司馬光尹厚胡安  
國張栻陸九淵黃幹真德秀何基陳澧金履祥  
許衡薛瑄陳獻章蔡清陸隴其位均二位同一



案每位爵一。每案簋一。簋一。籩四豆四。先賢案前東西各羊二。豕二。香案一。鑪一。鐙二。先儒案前東西各羊一。豕一。香案一。鑪一。鐙二。殿中設一案少西北向。供祝版。其南東設一案。西向。陳禮神制帛九色白。香盤四。尊三爵二十有七。西設一案。東向。陳禮神制帛八色白。香盤三。尊二爵二十有四。凡牲陳於俎。凡帛正位四配異篚。十二哲分東西以六帛其篚。兩廡設二案於南。均北向。各陳禮神制帛二色白。香盤二。尊三。虛爵六。俎

篚。冪勺具。殿門內正中為

皇帝拜位北向。階下甬道左右。為分獻官拜位

正殿分獻官六員在前。兩廡分獻官四員在後。均

北面。陪祀王公位階上。東西各二班。百官位階

下。分獻官之南。東西各五班。東位西上。西位東

上。均北面。鑾儀衛司拜褥官二員。立於

皇帝拜位之左。少後太常寺司祝一員。立祝案之西

東面。司香四員。司帛四員。司爵九員。立東案之

東西面。司香二員。司帛二員。司爵八員。立西案



之西。東面侍儀禮部堂官二員。都察院堂官二員。樂部大臣一員。分立東西案之南。東西面太常寺典儀一員。立殿左門外西面。司樂協律郎。樂工歌工。文舞六佾。於階上。樂懸東西序。立記注官四員。於西階下序。立糾儀御史四員。禮部司官四員。引禮鴻臚寺官四員。分立王公百官拜位之次。掌燎官率燎人。立於燎鑪之隅。兩廡國子生司香司帛司爵。東西各二人。序立南案之南。均北面。是日五鼓。太常寺博士引禮部堂官一員。率屬入廟恭詣。

大成殿兩廡。周視齋盛籩豆登鉶之實。司祝捧祝版。設於祝案。鑾儀衛陳。

法駕鹵簿。不陪祀。王公百官咸朝服。祇候送駕如儀。日出前六刻。太常寺卿赴。

乾清門奏時。

皇帝具祭服。乘禮輿出宮。前引後扈如常儀。駕發警蹕。

午門鳴鐘。



駕出東華門。導迎樂前引。不作。執鑪鑿官左右騎導。如詣。

日壇之儀。太常寺贊禮郎。豫引四配兩序。兩廡。分獻官十員。於大成西側門外序立。鴻臚寺官。豫引陪祀王公。於廟左右門外序立。祇候。

駕至。隨入。引陪祀百官入大成左右側門。豫於行禮位。少南。東西序立。

皇帝至廟門外。降輿。右贊引。左對引。太常寺卿二員。恭導。

皇帝由中門入。就大次。少憩。太常寺卿奏請行禮。皇帝出次。盥鑾儀衛官跪捧盥捧巾。如儀。司拜褥官。豫布拜褥於殿門內正中。贊引對引官恭導。

皇帝入大成中門。陞階。進殿中門。至拜位前。北向立。前引內大臣止立殿檐下。提鑪執鑿官侍衛。均於階下止立。後扈大臣隨侍贊禮郎。引分獻官。東西各五員。於甬道左右。鴻臚寺官引陪祀王公百官。均就拜位。北面序立。典儀贊樂舞生就位。執事官各司其事。文舞六佾。執羽籥進贊引。



奏就位

皇帝就拜位立典儀贊迎

神唱樂官唱迎

神樂奏昭平之章協律郎舉麾工鼓祝樂作贊引奏

就上香位贊引對引官恭導

皇帝詣

先師香案前立對引官至祝案前止立司香跪進香

贊引奏上香

皇帝上炷香三上瓣香畢奏復位贊引對引官恭導

皇帝復位奏跪拜興

皇帝行二跪六拜禮王公百官均隨行禮協律郎偃

麾工夏歌樂止典儀贊奠帛爵行初獻禮唱樂

官唱初獻樂奏宣平之章樂作司樂舉節舞羽

籥之舞太常寺官揭尊罍勺提酒實爵正位司

帛一員捧篚司爵一員捧爵以次詣

先師位前司帛跪獻篚奠於案三叩興司爵獻爵奠

於墊中皆退左右司香六員捧香盤司帛六員

捧篚司爵十有六員捧爵至四配十二哲位前



贊禮郎引正殿分獻官升東西側階入殿左右  
 門至各神位前上香奠帛獻爵如儀仍由殿左  
 右門出降階復位兩廡司香司帛捧香盤帛筐  
 各至香案前贊禮郎引分獻官上香奠帛司爵  
 由南案前捧爵東西序進各詣先賢先儒位前  
 獻爵畢皆退復位司祝至祝案前跪三叩捧祝  
 版跪案左樂暫止贊引奏跪

皇帝跪羣臣皆跪贊讀祝司祝讀祝畢興捧祝版跪  
 安

先師位前筐內三叩興退樂作贊引奏拜興

皇帝行三拜禮羣臣均隨行禮樂止典儀贊行亞獻

禮唱樂官唱亞獻樂奏秩平之章樂作舞同正初獻

位司爵捧爵詣

先師位前獻於左執事官詣四配十二哲兩廡各分

獻如初樂止典儀贊行終獻禮唱樂官唱終獻

樂奏敘平之章樂作舞同正位司爵捧爵詣

先師位前獻於右四配十二哲兩廡均如亞獻儀樂

止文舞退典儀贊徹饌唱樂官唱徹饌樂奏懿



平之章樂作徹畢樂止典儀贊送

神唱樂官唱送

神樂奏德平之章樂作贊引奏跪拜興

皇帝行二跪六拜禮羣臣均隨行禮樂止典儀贊捧

祝帛饌送燎司祝司帛詣

先師位前成跪三叩司祝捧祝司帛捧篚興司香跪

捧香司爵跪捧饌興以次由中道出恭送燎所

皇帝轉立拜位旁西向司拜褥官徹拜褥俟祝帛過

仍布拜褥

皇帝復位立四配十二哲兩廡香帛饌均送焚燎太

常寺贊禮郎引分獻官退鴻臚寺官引陪祀王

公百官退立拜位東西樂作贊引奏禮成贊引

對引恭導

皇帝仍由大成中門出乘輿樂止

法駕鹵簿前導導迎樂作奏祐平之章不陪祀王公

百官仍朝服祇候

駕至跪迎

午門鳴鐘樂止王公隨

次定禮部儀例

卷一百一十五

祠祭清吏司

十



駕入至內金水橋恭候

皇帝還宮各退太常寺官徹

乾清門齋戒牌銅人送於寺。如

臨雍講學行釋奠禮上香奠帛爵一獻樂三奏不讀

祝翰林詹事官七品以上暨國子監官及衍聖

公五經博士孔顏曾孟並十二哲子孫觀禮者

並與陪祭餘儀同春秋丁祭。春秋

遣官行禮承祭官分獻官暨陪祀官均致齋二日豫

期視牲視宰皆如前儀先一日太常寺官具祝

版送內閣書遣官銜名畢司祝捧祝版供於廟

內祝案上行禮如儀祭日陳設牲帛器數均如

前設福胙於殿內東案尊爵之旁加爵一設洗

於階下之東禮部堂官省盞如儀承祭官拜位

親王郡王在階上讀祝受福胙拜位在殿中門

大學士在階下檻內分獻官在甬道左右陪祀官在廟庭左右

均北面司香司帛司爵在

大成殿正位配位前捧福胙國子生二人立於東

案之東西面接福胙國子生二人立於西案之



西東面雞初鳴承祭官分獻官咸集於持敬門內致齋所太常寺贊禮郎十有四員俟於持敬門內均朝服昧爽贊禮郎二員引承祭官自左側門入親玉郡玉入大成右門又四員分引兩序分獻官又八員分引兩廡分獻官隨入至階東盥手畢詣拜位前立鴻臚寺官引陪祀官咸詣拜位序立典儀贊樂舞生就位執事官各司其事文舞六佾進贊禮郎贊就位引承祭官分獻官就位立典儀贊迎

神唱樂官唱迎

神樂奏昭平之章樂作贊禮郎贊就上香位引承祭官升東階入殿左門贊詣

先師香案前跪承祭官跪俯伏贊上香司香跪捧香承祭官三上香畢俯伏與以次詣四配位前跪上香儀同贊復位引承祭官復位初迎

神時贊禮郎分引東西序分獻官各一員升東西階入殿左右門詣十二哲位前跪上香退復位引兩廡分獻官東西各二員分詣先賢先儒位前



跪。上香。均如前儀。贊禮郎贊跪叩。興。承祭官分獻官暨陪祀官行三跪九叩禮。興。樂止。典儀贊奠帛爵。行初獻禮。唱樂官唱初獻樂。奏宣平之章。樂作。舞羽籥之舞。贊禮郎引承祭官升階。贊詣

先師位前跪。承祭官跪俯伏。司帛跪捧篚。承祭官受篚。拱舉奠於案。典司爵跪捧爵。承祭官受爵。拱舉奠於塾中。俯伏。興。贊禮郎贊就讀祝位。引承祭官至殿中拜位。立。樂暫止。贊跪承祭官分獻

官暨陪祀官皆跪贊讀祝。司祝跪讀祝。畢。樂復作。承祭官分獻官暨陪祀官均行三叩禮。興。贊禮郎引承祭官以次詣四配位前跪奠帛獻爵。儀同。復位贊禮郎分引兩序分獻官升東西階入殿左右門。詣十二哲位前跪俯伏。奠帛獻爵。俯伏。興。復位均如儀。引兩廡分獻官分詣先賢先儒位前。奠帛獻爵。儀同。樂止。亞獻奏秩平之章。樂作。舞同贊禮郎引承祭官升階。贊詣

先師暨四配位前。奠爵於左。如初。兩序兩廡隨分獻



畢均復位樂止終獻奏敘平之章樂作舞同贊

禮郎引承祭官升階奠爵於右如亞獻儀兩序

兩廡隨分獻畢均復位樂止文舞退典儀贊飲

福受胙贊禮郎贊詣受福胙位引承祭官至殿

中拜位立捧福胙二人自東案捧福胙至

先師位前拱舉退立於承祭官之右接福胙二人自

西案進立於左贊禮郎贊跪承祭官跪贊飲福

酒右一人跪遞福酒承祭官受爵拱舉設於左

次受胙亦如飲福之儀贊跪叩興承祭官三叩

興贊復位引承祭官復位贊跪叩興承祭官分

獻官暨陪祀官均行三跪九叩禮興典儀贊徹

饌奏懿平之章樂作徹饌畢樂止贊送

神奏德平之章樂作贊禮郎贊跪叩興承祭官分獻

官暨陪祀官行三跪九叩禮興樂止典儀贊捧

祝帛饌送燎有司各捧祝帛香饌恭送燎所如

儀承祭官避立拜位西旁俟過復位樂作贊禮

郎引承祭官詣燎所視燎畢仍引由左側門出

樂止陪祀各官皆退謹按乾隆五十二年八月



參奏劉墉遣祭 文廟未行一揖禮一摺從前朕為皇子時曾經致祭 文廟記所行儀注並無一揖之禮今禮部所用儀注仍有此一揖自係相沿未經改定劉墉於祭祀時以一揖之禮不可行未經照例行禮該堂官固應據實參奏但此一揖之禮俱在上香獻爵飲福受胙之後本係小節俗禮劉墉未經遵行尚非大過姑免交部但劉墉之意既以為斷不可行自應奏明改更乃並未陳奏而於向用儀注率任臆改此則非是至相沿一揖之禮本不可行嗣後著於儀注內改 ○如出師 正以昭誠敬

命將凱旋告成太學儀與春秋

遣官行禮同 ○朔望國子監上香朔日夙興國子監典簿啟殿門及東西廡門率廟戶潔埽內外展

神幄拂拭

神案每案陳菜棗栗各一豆鑪一。鐙二。設案一於殿

內之東陳香盤七尊一。每位爵一。又設案於東西兩廡之南各陳香盤三尊一。每位爵一。凡尊實酒。罍勺具司香司爵立於案旁。設洗於階下之東通贊二人立於殿內東西楹又二人立於殿外東西階上皆公服質明祭酒率屬朝服諸生吉服集於持敬門內引贊引由大成東側門入及廟庭通贊贊就位正獻分獻官暨諸生成



就位北面立祭酒司業爲一班師儒以位序諸生以齒序咸列於後通贊贊跪叩興祭酒以下俱行三跪九叩禮興贊行釋菜禮引贊引祭酒詣東階盥手升東階入殿左門詣

先師位前司香捧香盤從引贊贊跪祭酒跪俯伏通贊贊上香司香跪捧香祭酒三上香俯伏興退詣尊案前視注酒司爵舉幕酌酒實爵引贊引祭酒復詣

先師位前司爵執爵從引贊贊跪祭酒跪俯伏通贊贊獻爵司爵跪捧爵祭酒受爵拱舉以授司爵興獻於正中退祭酒俯伏興以次詣四配位前跪上香獻爵儀同贊復位引祭酒復位初贊行禮時祭酒升東階引贊卽引兩序分獻官二員盥手分詣東西階升階入殿左右門詣十二哲位前跪俯伏上香獻爵俯伏興退復位均如儀兩廡引贊引分獻官各二員盥手詣先賢先儒位前跪上香獻爵復位儀同通贊贊跪叩興祭酒率屬及諸生復行三跪九叩禮畢各退望日



國子監典簿拂拭

神案。然鐙。設香盤於殿內及兩廡各案。肄業生司香各一人。立於案前。設洗於階東。質明。祭酒司業率屬朝服。諸生吉服。入大成左側門。階下就位。如釋菜儀。通贊贊行上香禮。引贊引司業盥手。升東階入殿左門。詣

先師位前。引贊贊跪。司業跪俯伏。通贊贊上香。司香跪捧香。司業三上香。俯伏興。引詣四配位前。以次跪上香。畢。贊復位。引司業退。復位。引贊引助

教二員盥手。升階分詣兩序十二哲位前。跪上香。畢。復位。均如儀。引學正各二員盥手。分詣兩廡先賢先儒位前。跪上香。畢。復位。儀同。通贊贊跪叩。興。祭酒司業以下。俱行三跪九叩禮。畢。各退。○如因事

遣官祇告。設脯醢果品。不設牲牢。不用樂舞。其上香讀祝。行三獻禮。升降進退。均與春秋上丁

遣官禮同

一熱河



文廟恭遇

皇帝駐蹕避暑山莊。仲秋丁祭。奏請

欽派扈從大學士一員行禮。

崇聖祠。奏

派京堂一員行禮。四配十二哲。以翰林官二員分獻

兩廡。以地方官分獻。俱蟒袍補服將事。

一

遣官行禮。儀文樂章。與在京。

文廟同。香帛祭品。及執事樂舞人等。由地方官豫備。

如地方官承祭。樂章祭品等項。均照直省學官

例行。



欽定禮部則例卷一百二十二

祠祭清吏司

崇聖祠

一每歲春秋仲月上丁釋奠

先師孔子之日太常寺前期題請同日

遣官致祭

崇聖祠正殿奉

先師五代神位以先賢配饗先儒從祀每祭以國子

監祭酒承祭分獻四配及兩廡用國子監所屬



官

一恭遇

皇帝親祭

先師之年。

崇聖祠以大學士承祭其餘月朔釋菜以司業月  
望上香以助教國子監屆期將事。

崇儀注

上丁日太常寺卿國子監祭酒各率其屬潔除  
殿廡內外展祭器陳祭物司祝供祝版禮部堂官

省盞盛籩豆登鉶之實均如儀

殿內正中恭設

肇聖王木金父左

裕聖王祈父右

詒聖王防叔左次

昌聖王伯夏右次

啟聖王叔梁紇位均南向位前各設一案陳羊一豕

一鉶二簠二簋二籩八豆八鑪一鐙二東配先

賢顏無繇孔鯉西配先賢曾點孟孫氏均東西



向東西各陳羊一。豕一。鑪一。鐙二。每位簠簋各

一。遵豆各四。東廡先儒周輔成。程珦。蔡元定。西

向位前設兩案。西廡先儒張迪。朱松。東向位前

共設一案。每案陳簠一。簋一。遵豆各四。東西各

羊一。豕一。鑪一。鐙二。殿中設一案。少西供祝版

東設一案。陳禮神制帛五。色白香盤五。尊四。爵十

有五。西設一案。陳禮神制帛四。色白香盤四。尊三。

爵十。有二兩廡各設案於南。陳禮神制帛一。色白

香盤一。尊一。東廡爵六。西廡爵三。承祭官拜位

在階下。分獻官四員。拜位在承祭官後。祝拜

位在殿中門檻內。均北面。太常寺司祝典儀掌

燎各一員。正殿國子生司香司帛司爵各九員

兩廡國子生司香司帛司爵東西各二員。立位

與前儀同。如恭遇

皇帝親祭

先師。俟

皇帝出大次盥洗時。贊禮郎引承祭官分獻官入

崇聖祠左門。分詣行禮。不用樂舞。凡上香迎



神奠帛奠爵讀祝徹饌送

神視燎。承祭官及四配兩廡分獻官行禮。均如

遣官致祭

先師儀。○朔望上香與

先師前行禮儀節同。

欽定禮部則例卷一百二十三

祠祭清吏司

傳心殿

一每歲春秋仲月

皇帝御經筵日。祇告

傳心殿。正位奉

皇師伏羲氏

皇師神農氏

皇師軒轅氏

欽定禮部則例

卷一百二十三 祠祭清吏司





帝師陶唐氏

帝師有虞氏

王師夏禹王

王師商湯王

王師周文王

王師周武王均南向東位

先聖周公西向西位

先師孔子東向屆期由部照例題請

詳儀制司如經筵卷

遣官祇告交太常寺具奏

一朔望太常寺堂官供酒果上香行禮

儀注

恭遇

皇帝親詣行禮太常寺豫以祝版送內閣恭書

祝文由翰

林院隨時撰擬先一日司祝由內閣恭捧祝版送至

傳心殿祝版房設於案跪叩如儀

皇師

帝師

王師位前每位各設一案每案劍一遵二旦二前設



香案一。陳鑪一。燈二。

先聖

先師位前。每案劍一。簋二。前設香案一。陳鑪一。燈二。殿中設一案。少西。北向。供祝版。東設一案。西向。陳禮神制帛十。色白。香盤六。爵十八。尊二。西設一案。東向。陳禮神制帛一。色白。香盤五。尊一。爵十五。凡帛正位同。篚東西位各異。篚。凡尊實酒。承以舟。疏布幕。勺具。

殿內正中設

皇帝拜位。北向。饗儀衛司拜褥。官立於

皇帝拜位之左。少後。太常寺司祝立。祝案之西。東面。司香立於東西案後。負序東西面。典儀立。

殿門外之東。西面。記注官立。

殿門外之西。東面。掌燎官率燎人。立於東門外。燎鑪之隅。是日。昧爽。所司潔除內外。展

神幄。工部司官鋪椽薦。太常寺卿率屬具器。陳如儀。日出前三刻。司祝詣

傳心殿。祝版房。恭捧祝版。安於祝案。司爵搗尊幕。



勺挹酒實爵司帛捧篚司爵捧爵進至各神位前奠於案司拜褥官豫布拜褥於

殿門內正中各退太常寺卿赴

乾清門奏時

皇帝御衣服乘輿出宮前引後扈如常儀

駕至文華門內東門降輿前引內大臣侍衛均止立

後扈大臣隨侍右贊引左對引太常寺卿二員

恭導

皇帝由殿垣西門入

景行中門陞中階進

殿中門至拜位前北向立與儀贊執事官各司其

事贊引奏就位

皇帝就拜位立司香各捧香盤至

神位前立贊引奏就上香位及對引官恭導

皇帝詣

皇師伏羲氏香案前對引官至祝案前止立司香跪

進香贊引奏上香

皇帝上炷香三上瓣香畢以次詣各



神位前上香如前儀贊引奏復位及對引官恭導  
皇帝復位立奏跪拜興

皇帝行二跪六拜禮興司祝詣祝案前跪三叩捧祝  
版跪案左贊引奏跪

皇帝跪贊讀祝司祝讀祝畢興捧祝版跪安  
神位前筐內三叩興退贊引奏拜興

皇帝行三拜禮興又奏跪拜興  
皇帝行二跪六拜禮興典儀贊捧祝帛送燎司祝司

帛詣

神位前咸跪三叩司祝捧祝司帛捧筐司香跪捧香  
興以次由中道出恭送燎所

皇帝轉立於拜位之東西向司拜褥官徹拜褥俟祝  
帛過仍布拜褥

皇帝復位立贊引奏禮成及對引官恭導  
皇帝出殿中門由中階詣

文華殿

臨御經筵謹按乾隆六年六十年高宗純皇  
帝舉行經筵親詣行禮嘉慶元  
年皇上舉行經筵親詣行禮二  
十五年正月奉上諭二月初三日朕親祭







經筵。如

遣官祇告太常寺贊禮郎二員引承祭官入

殿垣東門循

景行門東夾道至

殿門外階下正中立行禮上香俱出入

殿左門祝帛送燎承祭官避立西旁東面餘如儀

欽定禮部則例卷一百二十四

祠祭清吏司

太歲壇

一每歲孟春上旬擇吉及歲除前一日致祭

太歲壇太常寺奏請

欽命親王郡王承祭太常寺堂官分獻承祭官及分

獻官執事官各於邸第致齋太常寺卿具祝版

省牲牢器數如禮

儀注



祭日正殿

太歲神位前陳牛一。羊一。豕一。登一。鉶二。簋二。簋二。籩十。豆十。琖三十。鑪一。鐙二。設案一於殿中。少西。北向。供祝版。設案一於東。西向。陳帛一。色香盤一。尊一。爵三。陳福胙於尊爵之旁。加爵一。東西兩廡各二案。陳設器數均與正殿同。又設尊案各一於廡南。陳帛六。色白香盤二。尊二。爵六。凡牲陳於俎。帛實於籠。尊實酒。承以舟。疏布幕。勺具樂部率太常寺協律郎。設中和韶樂於殿內。

東西。陳樂舞於樂懸之次。太常寺設洗於東階下。少南如常儀。日出前四刻。承祭官分獻官咸朝服詣壇。承祭官位檐下正中。分獻官位階下。夾甬道左右。均北面。司祝。司香。司帛。司爵各一員。分立於祝案。尊案之次。司樂協律郎樂工歌工舞佾序立於東西樂懸之次。典儀一員立於殿外東階。掌燎率燎人立於燎鑪之南。太常寺卿率屬展幔恭請太歲神位出龕安奉於



神座。啟十二月

月將神龕畢。贊禮郎引承祭官由拜殿南左門入。至階下盥洗位。贊禮郎贊盥洗。承祭官盥畢。引至拜位前北面立。分獻官均就拜位序立。典儀贊樂舞生就位。執事官各司其事。武舞八佾。執于戚進贊禮郎贊就位。承祭官就位立。典儀贊迎。

神唱樂官唱迎

神樂奏保平之章。樂作。贊禮郎贊詣

神位前。引承祭官入殿左門。詣香案前立。贊上香。司香跪捧香。承祭官上炷香。次三上瓣香。畢贊復位。引承祭官復位。贊跪叩興。承祭官行三跪九叩禮。分獻官各隨行禮興。樂止。典儀贊奠帛爵。行初獻禮。有司揭尊幕。勺挹酒實爵。唱樂官唱初獻樂。奏定平之章。樂作。司樂舉節。舞于戚之舞。司帛司爵進至

神位前。司帛捧篚跪奠於案。三叩興。司爵捧爵立獻於正中。皆退。司祝至祝案前跪。三叩興。捧祝版



跪案左。樂暫止。典儀贊讀祝。贊禮郎贊跪。承祭官暨分獻官皆跪。司祝讀祝畢。興。以祝版跪安篋內。叩如初。興。退。樂作。贊禮郎贊叩興。承祭官暨分獻官均行三叩禮。興。兩廡贊禮郎引分獻官各詣

神位前。上香。執事生奠帛。獻爵畢。引分獻官復位。如儀。樂止。武舞退。文舞八佾執羽籥進。典儀贊行亞獻禮。唱樂官唱亞獻樂。奏嘏平之章。樂作。舞羽籥之舞。司爵捧爵獻於左。如初。獻儀。樂止。

典儀贊行終獻禮。唱樂官唱終獻樂。奏富平之

章。樂作。舞同亞獻司爵捧爵獻於右。如亞獻儀。兩廡

以次獻畢。樂止。文舞退。典儀贊

賜福胙。執事生二人捧福胙進。至

神位前拱舉。由中道出。至拜位右立。接福胙。執事生二人由西廡至拜位左立。贊禮郎贊跪承祭官跪。左右執事生皆跪。贊飲福酒。右生進福酒。承祭官受爵拱舉。授於左次受胙。如飲福酒之儀。畢。贊禮郎贊叩興。承祭官三叩興。又贊跪叩興。



承祭官暨分獻官均行二跪六叩禮。興。典儀贊徹饌。唱樂官唱徹饌樂。奏盈平之章。樂作徹饌。畢樂止。典儀贊送。

神。唱樂官唱送。

神樂奏豐平之章。樂作。贊禮郎贊跪叩興。承祭官暨分獻官均行三跪九叩禮。興。樂止。典儀贊捧祝帛。饌送燎。司祝司帛詣

神位前咸跪。三叩。司祝捧祝司帛捧篚興。司香跪捧香。司爵跪捧饌。興。以次恭送燎所。兩廡香帛饌

均送燎所。歲暮並捧紙書干支送燎贊禮郎引分獻官退承

祭官避立拜位之西。俟祝帛過。復位立。典儀贊望燎。贊禮郎引承祭官詣燎位。視燎。贊禮郎告禮畢。太常寺官恭請

太歲神位。並兩廡

神位。復於龕內如儀。各退。



欽定禮部則例卷一百二十五

祠祭清吏司

先醫廟 在太醫院署內

一每歲春冬仲月上甲日順治元年定祭

先醫廟正中奉

太昊伏羲氏左

炎帝神農氏右

黃帝軒轅氏均南向東配勾芒風后西向西配祝融  
力牧東向東廡儋貨季天師岐伯伯高少師太

欽定禮部則例

卷一百二十五

祠祭清吏司

一



乙雷公。伊尹。淳于意。華佗。皇甫謐。巢元方。藥王。韋慈藏。錢乙。劉完素。李杲。西廡鬼。臾區。俞跗。少俞。桐君。馬師皇。神應王。扁鵲。張機。王叔和。抱朴子。葛洪。真人。孫思邈。啟元子。王冰。朱肱。張元素。朱彥修。均東西向。致祭前期。太常寺具題禮部堂官一員主祭。太醫院堂官二員分獻。該衙門官齋戒陪祀。

儀注

豫日。太常寺官具祝版。視割牲。太醫院官潔蠲殿廡內外。拂拭

神座如儀。祀日五鼓。太常寺官具器陳。正殿

三皇位前。各設一案。每案劔二。簋二。籩二。籩十。豆十。共牛一。羊一。豕一。前設香案各一。陳鑪一。鐙二。配位。東西各設一案。每案劔二。簋一。籩一。籩十。豆十。羊一。豕一。鑪一。鐙二。殿中設一案。少西。北向。供祝版。東設一案。西向。陳禮神制帛三。色香盤三。尊一。爵九。西設一案。東向。陳素帛二。香盤二。尊一。爵六。凡牲陳於俎。帛陳於筐。尊實酒。承



以舟疏布幕。勺具東廡分設三案。每案簋一。簋一。籩四。豆四。琖十。豕肉二盤。統設一案。陳鑪一。鐙二。設案一於南。北向陳素帛一。香盤一。尊一。爵三。篚幕勺具西廡陳設同。太常寺官設洗於咸濟東門內。和聲署設樂於西階下。鼓一。笙一。管二。雲璈一。篳二。版一。承祭官拜位在殿階上。兩廡太醫院分獻官位甬道左右。司祝。司香。司帛。司爵。分立祝案。尊案之次。典儀立殿外東階。掌燎率燎人立於燎鑪南。司祝捧祝版安於祝案。承祭官暨分獻官咸朝服。豫俟於太醫院署。日出前四刻。鴻臚寺官引陪祀太醫院官入咸濟門內左右。太常寺贊禮郎二員引承祭官入咸濟東門。分獻官隨入。贊盥洗。承祭官盥手畢。引至拜位前立。典儀贊執事官各司其事。贊禮郎贊就位。承祭官暨分獻官陪祀官均就位立。典儀贊迎。

神樂作。贊禮郎引承祭官由殿左門入。詣正中香案前。贊跪。承祭官跪。贊上香。司香跪捧香。承祭官



上炷香。三上瓣香畢。興。以次詣左右位前。上香。如儀。配位司香官分詣各案前跪。上香。兩廡贊禮郎引分獻官分詣兩廡位前。上香畢。贊復位。承祭官復位。兩廡分獻官各復位立。贊跪。叩興。承祭官行三跪九叩禮。分獻官陪祀官均隨行禮。興。典儀贊奠帛爵。行初獻禮。有司揭尊罍。勺挹酒實爵。司帛捧篚。司爵捧爵。以次詣各

神位前。司帛跪奠篚於案。三叩興。司爵立獻爵奠於墊中畢。皆退。司祝至祝案前跪。三叩興。捧祝版跪案前左。樂暫止。贊禮郎贊跪承祭官跪。分獻

官陪祀官咸跪。贊讀祝。司祝讀祝畢。捧祝版跪安。

太昊伏羲氏神位前篚內。叩如初。興退。樂作。贊禮郎贊叩興。承祭官暨分獻官陪祀官均行三叩禮。興。配位及兩廡執事生奠帛獻爵畢。各退。典儀贊行亞獻禮。正位司爵配位及兩廡執事生各奠爵於左。如初獻儀。典儀贊行終獻禮。正位司爵配位及兩廡執事生各奠爵於右。儀如亞獻



典儀贊徹饌有司徹畢贊送

神贊禮郎贊跪叩興承祭官分獻官陪祀官均行三

跪九叩禮興典儀贊捧祝帛饌送燎有司捧祝

帛香饌以次恭送燎所如儀贊禮郎引分獻官

鴻臚寺官引陪祀官皆退承祭官避立拜位旁

西面俟祝帛過復位立典儀贊望燎贊禮郎引

承祭官由咸濟東門出詣燎位視燎贊禮郎贊

禮畢樂止承祭官退執事各官皆退。

關帝廟

在地安門外宛平縣之東

一每歲春秋仲月諏吉雍正三年定及五月十三日

順治元年定致祭

關帝廟前殿奉

忠義神武靈佑仁勇關聖大帝神位。順治九年封忠義

神武乾隆三十二年加靈佑嘉慶十九年加封仁勇封後殿中奉

光昭公左

裕昌公右

成忠公位。後殿封號雍正三年議准均由太常寺題請前殿開

列領侍衛內大臣散秩大臣尚書都統職名。

欽定禮部則例

卷三十五

祠祭清吏司

五



欽派一員承祭如派王等承祭恭候後殿太常寺卿將事

一加

神號安設

封神牌。由部奏請行告祭禮。翰林院撰擬祭文。太常寺奏請

欽派大臣一員承祭。祭品儀節。與五月十三日致祭

同謹按乾隆三十三年。奏准新加 關帝封號安設 神牌。應請遣官讀文告祭。其官建祠宇。神牌座數。由工部查明。敬依新號製造。並通行各直省督撫遵照辦理。嘉慶十九年加

封告祭同

義注

祭日味爽。廟祝潔掃殿宇內外。太常寺官具祝版。備器陳。

神位前陳牛一。羊一豕一。登一。銅二簋。簠各二。籩豆各十。鑪一。燈二。殿中設一案。少西。北向。供祝版。東設一案。陳禮神制帛一。色白香盤一。尊一。爵

三。凡牲陳於俎。帛實於篚。尊實酒。簠勺具。和聲署設樂於西階上。樂器詳 先醫 廟 羣祀並同太常寺設洗



於東階上。承祭官拜位在階上正中。司祝司香司帛司爵典儀掌燎各以其職爲位。如常儀質明。承祭官朝服詣廟贊引太常寺贊禮郎二員引承祭官由廟左門入。至東階上盥手。引詣拜位前立。典儀贊執事官各司其事。贊禮郎贊就位。引承祭官就位立。典儀贊迎。

神樂作。贊禮郎贊詣上香位。引承祭官入殿左門就香案前立。贊上香。司香跪捧香。承祭官上炷香。三上瓣香畢。贊復位。引承祭官復位立。贊跪

叩。興。承祭官行三跪九叩禮。興。典儀贊奠帛爵。行初獻禮。有司揭尊幕。勺挹酒實爵。司帛捧篚。司爵捧爵。各進至

神位前。司帛跪奠篚於案。三叩興。司爵立獻爵於案正中。各退。司祝詣祝案前跪。三叩興。捧祝版跪案左。樂暫止。贊禮郎贊跪。承祭官跪。典儀贊讀祝。司祝讀祝畢。興。以祝版跪安於篚。叩如初。興。退。樂作。贊禮郎贊叩。興。承祭官行三叩禮。興。典儀贊行亞獻禮。司爵獻爵於左。贊行終獻禮。







殿五月十三日。每案陳羊一。豕一。果實五盤。不設籩豆。餘陳設及行禮儀節並同。謹按乾隆四十年奉

上諭

關帝在當時力扶炎漢。志節凜然。乃史書所諡並非嘉名。陳壽於蜀漢有嫌。所撰

三國志。多存私見。遂不為之論定。豈得謂公從前

世祖章皇帝曾降

諭旨封為

忠義神武大常。以褒揚盛烈。朕復於乾隆三十

二年降旨加靈佑二字。用示尊崇。夫以神之義

烈忠誠。海內咸知敬祀。而正史猶存舊諡。隱寓

譏評。非所以得信萬世也。今當抄錄四庫全書

不可相沿陋習。所有志內關帝之諡。應改為

忠義。第本傳相沿已久。民間所行必廣。難於更

易。著交武英殿將此旨刊載傳末。用垂久遠。其

官版及內府陳設書籍。並著改刊。此旨一體增

入。○六十年奉旨。所有各寺廟供奉

關聖神位。以及扁額內有勅封字樣者。殊非敬

神之義。著將此二字節去。○嘉慶十二年奉

旨。禮部議駁御史程世淳請避關帝神諱

及增定趙累等從祀加封一摺。所議甚是。關

帝有我朝靈應昭著。一切祀典。備極隆崇。至敬

避名諱。專係本朝臣子尊奉君上之義。前代帝

王及往哲明神。其名概不避用。蓋臨文不諱。垂

訓禮經。况關帝祠宇廣遠。薄海臣民。皆知敬

禮。其於神諱。亦必不敢輻褻。正無庸官設科條

頒為令甲。至廟中從祀塑立。關平周倉二像。相

沿已久。自通都大邑。以及荒陬僻壤。所在皆同

其趙累王甫當時遇難事實。史傳所載。不盡符

合。今議請增設事涉紛擾。自不若仍依舊制。協

典禮之

宜也

文昌廟

在地安門外之東

一每歲以二月初三日及仲秋月諏吉

嘉慶六年定



致祭

文昌廟前殿奉

文昌帝君神位後殿奉

文昌帝君先代神位

謹按嘉慶六年太常寺奏准文昌帝君三代姓名查無確

據未便請加封號謹擬增製神牌一分

均由太

常寺題請前殿開列領侍衛內大臣散秩大臣

尚書都統職名

欽派一員承祭後殿太常寺卿將事

謹按嘉慶六年

師地安門外舊有明成化年間所建

文昌帝君廟宇久經傾圮碑記尚存特命敬謹重修

現已落成規模聿煥朕本日度申展謁行九叩

禮敬思文昌帝君主持文運福國佑民崇正

教闢邪說靈蹟最著海內崇奉與關聖大帝

相同允宜列入祀典用光文治著交禮部太常

寺將每歲春秋致祭之典及一切儀文做照

關帝廟定制詳查妥議具奏遵旨奏准一

切儀注祭品均與祭關帝儀同又奏准各直

省舊有祠廟聽有司量加修葺以備春秋致祭

四川梓潼縣鳳凰山靈蹟最著之文昌廟應

照山西解州等處關帝廟之例令地方官屆

期躬詣

致祭

儀注

祭日昧爽廟祝潔掃殿宇內外太常寺官具祝

版備器陳



神位前陳牛一。羊一。豕一。豈一。釧二。簋簋各二。籩豆各十。鑪一。鏡二。殿中設一案。少西北向。供祝版。東設一案。陳禮神制帛一。色白香盤一。尊一。爵三。凡牲陳於俎。帛實於筐。尊實酒。冪勺具。和聲署設樂於西階上。太常寺設洗於東階上。承祭官拜位在階上正中。司祝司香司帛司爵典儀掌燎各以其職爲位。如常儀。質明承祭官朝服詣廟。太常寺贊禮郎二員引承祭官由廟左門入。至東階上盥手。引詣拜位前立。典儀贊執事

官各司其事。贊禮郎贊就位。引承祭官就位立

典儀贊迎

神樂作。贊禮郎贊詣上香位。引承祭官入殿左門就香案前立。贊上香。司香跪捧香。承祭官上炷香。三上瓣香畢。贊復位。引承祭官復位立。贊跪叩。典儀贊祭官行三跪九叩禮。典儀贊奠帛爵。行初獻禮。有司揭尊冪勺挹酒實爵。司帛捧筐。司爵捧爵各進至

神位前。司帛跪奠筐於案。三叩。典儀贊立獻爵於



案正中。各退。司祝詣祝案前跪。三叩。興。捧祝版跪案左。樂暫止。贊禮郎贊跪。承祭官跪。典儀贊讀祝。司祝讀祝畢。興。以祝版跪安於篚。叩如初。興。退。樂作。贊禮郎贊叩興。承祭官行三叩禮。典儀贊行亞獻禮。司爵獻爵於左。贊行終獻禮。司爵獻爵於右。均如初獻儀。典儀贊徹饌。有司徹畢。贊送。

神贊禮郎贊跪。叩興。承祭官行三跪九叩禮。興。典儀贊捧祝帛饌送燎。有司捧祝帛香饌。以次送燎。承祭官避立拜位之西。俟祝帛過。復位立。贊望燎。贊禮郎引承祭官詣燎位視燎。禮畢。樂止。承祭官及執事官皆退。同日祭後殿。

神位前設一案。陳羊一。豕一。鉶二。簠簋各二。邊豆各八。鑪一。鐙二。迎。

神上香。行禮奠獻。送燎儀節。悉與致祭關帝後殿儀同。



